

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43	Issue No. 28	Ramhlun North: Ni 12 July, 2025
 BRANCH THU THAR Nizan ni 11.07.2025 khan YMA Committee Room-ah Executive Committee thut a ni a, thurel thenkhat te- ■ YMA Inkhawmpui agenda atan, ‘Central YMA in ruihlo ngaite enkawl na hmun din se’ tih chu thlen ni se kan ti. Tin, YMA kumpuan thupui atan, ‘Ruihhlo Do’ tih thlen ni se kan ti bawk. ■ Kan hruaitu, Pu Vanlalrova chu hruaitu hlun chawimawina dlpui ni se tih a ni bawk. ■ Central YMA atangin dustbin lian 2 kan dawng. ■ Urban Health & Wellness Centre, Ramhlun North-ah Chawngbawla Section- in vengchhung MAP an siam 2 pek a ni. ■ Local Council, Ramhlun North atangin Rs. 20000 tlangauna maintenance atan kan dawng, Micophone Horn driver unit thar 6 lei nghal a ni. Ramhlun North Branch YMA chuan Local Council hnenah lawmthu a sawi a ni. ■ Kum 2024 issue, Central YMA in Branch YMA Chanchinbu tha inelna a buatsaih turah tel ve nise kan ti a, lo buaipui turin MARYMA enkawltute ruat an ni. ■ Saizahawla Section-ah YMA member thar 2, Neuva- 2, Khuangchera -4 kan awm thar a, ti hian kan vaiin YMA member 4,766 kan ni ta a ni. ■ MARYMA agent kan ruat ten rokhawlhna an neih avangin, Tv. Malsawmkima, V-Sec. leh Nl. Kiki K. Zothankimi, T-Sec. te chu ruat thar an ni. ■ Library Sub-Committee te bungrua lo enfelpui turin Property Sub-Committee te ngen an ni. ■ Nl. Lalnunpuui Hmar, Library Committee Member chuan YMA Library-a dah turin lehkhabu tha tak tak min pe.	RAMHLUN SPORTING CLUB (Kum 2025-2027 hruaitu tur ruat fel a ni) Ramhlun North, the 12th July, 2025: Ramhlun Sporting Club (RSC), (Headquarters, Ramhlun North) chuan kum 2025-2027 atana hruaitu a in ruatfel leh ta a, Office Bearers atan heng mite hi an ni. President: Pu R. Lalrinmawia, V-Sec. Vice President: Pu Lalrochama, V-Sec. General Secretary: Pu PC Laldingliana, T-Sec. Secretary: Pu Lalfakzuala, N-Sec. Treasurer: Nl. R. Lalbiakmuani, T-Sec. Fin. Secretary: Pu Laldingliana Sailo, T-Sec. PATRON MEMBER TE: Pu K. Romawia, V-Sec. Pu Lalchhawnsanga, C-Sec. Pu C. Lallawmsanga, N-Sec. Pu VL Nghinglova, V-Sec. Pu Thansailova Sailo, V-Sec. ADVISER TE: Pu H. Lalchhuana, K-Sec. Pu Benjamin Lalduhawma, N-Sec. Pu R. Zonunmawia, K-Sec. Pu C. Lalzahngoa, N-Sec. Er. Lalhriatpuia, V-Sec. Pu Lalarliana, C-Sec. Pu Ch. Lalnunkima, K-Sec. EX-OFFICIO MEMBER TE: Er. R. Rohmingliana, Secy. (MATA) Dr. Lalhmuchhuaka, President (MCA) Pu Singliana, Secy. (MVA) Pu Lalmalsawma Sailo, Chairman LC Dr. Vanlalhlana, Bialtu MLA Tun Season atan hian RSC hian heng a hnuai discipline-ah te hian a inthlurbing dawn a, Sub-Committee dinin heng mite hi OB tur te an ni. BASKETBALL SUB-COMMITTEE Chairman: Tv. Lalawmpuia Tochhawng, T-Sec. Vice Chairman: Pu Aris Vanneihthluanga, C-Sec. Secretary: Pu Michael F. Lalawmpuia, N-Sec. Asst. Secretary: Tv. Albert Lalrintluanga, T-Sec. Treasurer: Nl. Lalrinsiami, N-Sec. Fin. Secretary: Tv. Lalmuanpuia Zote, T-Sec. TAEKWONDO SUB-COMMITTEE Chairman: Pu H. Lalparliana, C-Sec. Vice Chairman: Pu Lalthangkima, V-Sec. Secretary: Pu H. Rodingliana, T-Sec. Asst. Secretary: Pu Lalhriatpuia, V-Sec. Treasurer: Nl. Zairemtluangi, S-Sec. Fin. Secretary: Nl. Lalremliani, S-Sec. CHESS SUB-COMMITTEE Chairman: Pu B. Lalsangliana, T-Sec. Secretary: Pu Lalsangluaia, V-Sec. VOLLEYBALL SUB-COMMITTEE Chairman: Pu Lalramdina Sailo, T-Sec. Vice Chairman: Pu Lalfakzuala, N-Sec. Secretary: Pu H. Lalhmingsanga, C-Sec. Asst. Secretary: Pu Malsawmdawngliana, S-Sec. Treasurer: Nl. Lalrinkimi, C-Sec. Fin. Secretary: Pu Lalduhsanga, K-Sec. Tin, RSC Field enkawl tur hian Sub-Committe din a ni bawk. RSC FIELD MANAGEMENT COMMITTEE Chairman: Pu Lalfakzuala, N-Sec. Vice Chairman: Pu VL Pianruala, N-Sec. Secretary: Pu Lalremsanga Hnamte, C-Sec. Asst. Secretary: Tv. Lalthanchhunga, T-Sec.	
	RN YMA FUTSAL TEAM 1st Inter Branch YMA Futsal Tournament, 2025 chu Central YMA leh MFA buatsaihin July ni 25, 2025, zan dar 8:00 ah CYMA Hall-ah pet hawwna neih a ni dawn a. Central YMA leh MFA hian dan an siamah Voters ID leh Ration Card neihna Branch-ah bak khelh theih a ni lo a, kum tlinglo (vote la neilo) a nih chuan Aadhaar Card leh Ration Card pawm a ni dawn a ni. April ni 30, 2025 hnu lama ID-te transfer chu pawm a ni lovang. Hemi atan hian kan veng YMA Futsal team pawhin ngawrh takin TBC Park-ah an practice mek a. Practice hi mi 20 bawr vel ni thinin an phur hle a, veng mipuite pawhin kan theih ang tawka kan tawiawm a tul takzet a ni.	

 Editorial
Dam chhung ni chhiar thiam

Engtin nge kan thih dawn tih ai chuan engtin nge nun kan hman tih hi a pawimawh zawk. Dam hlen pawh tum ila chutiang tura piang chu kan ni tlat lo, dam duh em em te thihna khawvelah hian damchhung ni chhiar thiam aia pawimawh hi a tam lo viau ang.

Nawmsip bawl leh mahni inhai vûr tuma hmanhlel te hi damchhung ni chhiar thiamte an ni lo va, damchhung ni sawisa tute an ni zawk. Nawmsip bawl na hian nawmna chu thlen mahse hahdamna a thleng ngai lo, mahni inhai vur hi a hunlai chuan hlimawm viauin lang mahse ngêl lungin chhunggrila a kher ngar ngar ang chauh a ni.

Damchhung ni chhiar thiam tur hian zir san viau a tul hran lo va, hausak leh ropui a tul kher hek lo, kan hmai tlang that in kawng ro a su lo va, ka fu ke pian mawina in ko ri a tu hek lo, hei chauh hi a pawimawh chu a ni. Kan chung a thuneitu zah thiam tluka hlu hi a awm lo.

Thih chhan tlak loh nunpui a kan hmanhlel em em thinte hi mahni inbumna mai a ni, inti fîng fu si damchhung ni chhiar dan thiam si lo, mahni inbumna thang dai per reng mai nih te hi zahthlâk ru tak chu a ni.

Hriat tam aiin hriat dik a pawimawh hmasa a, rinna kawnga kan din ngheh theih loh fo chhan pawh hi kan hre dik tawk lo a nih loh pawhin kan hriat thu hian min nei zui lo a ni ngei ang.

Mi thenkhat ngaihdanah chuan kan Bible-in "I vawh hek lohva, i lum hek loh hi; i vawh emaw, i lum emaw ka duh a ni," a tih te hi i that chuan tha la, i sual chuan sual law law rawh a tihna ang deuhah kan ngai fo va, chutiang lam sawi a tum lo, lum lo, vawt bawk si lo chu hman tlak a ni lo tih a sawina a ni, hman tlak loh chu a ka ata a chhah chhuah tur thu a sawi mai a ni.

Chutiang a hman tlak ni tur chuan kan chhungah tu nge lal ber tih hi a pawimawh ta a ni. Keimahni-a lalna changtu a zirin hman tlak kan nih leh nih loh chu a lang fiah thin.

 KHAWTHLIR
THIHNA
(TRADITIONAL NECKLACE)

Thihna hi Lusei thi ah chuan a ropui

ber leh kan ngaih hlut ber a ni a. thihna hi lung man tam chi khat sap tawnga ‘Amber’ an tih hmanga siam a ni. Amber hi kum maktaduai kal ta a thing hnai, lei hnuaia sa avânga lunga lo chang ta a ni a, rawng hrang hrang in a awm thei a ni.

M i z o r a m leilunga laih chhuah tur a awm loh avângin, hmanlai kha chuan thihna lung nei tur hian Burma-ah hun rei tak cham in

an han phur thin a. Burma ram chhunga Kachin hnam ho chenna khi, thihna lung bakah lung man tam chi hrang hrang tamna ram a nih avângin kan pi leh pute kha an han zin nasa thin hle a ni. Burma atânga thihna lung an phurh chu lung chang takah an nawt a, an duh anga an nawh mum hnuaah an verh leh a, chu chu âwrh theih turin an thil khawm leh thin a ni.

Thihna lung hi 'thihna than' ti te pawhin an sawi bawk thin a, bung hrang hrang a nei in, a mu pui (loket) pathum bakah a ke leh a ke dai dantu a mu te an awm leh a ni. Hmanlai chuan a nei nung deuhte khan a thil na la an suih zawmna ah tangka an dah a, a ke leh a mu inkârah tangka phek an thil tel bawk thin. A thil khawmna atan hian la sen duk emaw sen dang an hmang kher thin a, a lung rawng a kap lâ an tih vâng a ni ber.

Thihna hi âwrh thei bik an awm chuang lo na chu, Lal leh Khuangchawi, Mualkil mi hausate lo chuan a lang a pau in an âwrh ngai lo. Neih a hautak em avângin mi zawng zawng neih theih a ni hek lo. Hnam chawmin an lo nei ve a nih pawhin an âwrh



chhuak ngai meuh lo. Mipa in thihna an âwrh chuan chhing takin an âwrh thin a, 'Thi pui' tiin an sawi thin, hmeichhia chuan fual takin an âwrh thung.

Thihna hi Lusei bakah Pâwih hnam a bik in Falam bial a chengte khian an âwrh ber a. Lusei thihna hian ke sawm leh pali a nei a, Falam Pâwih thihna erawh chuan ke sawm leh paruk a nei thung. Thihna hi a lung a zirin a sen duk, a eng, mei alh rawng leh a dum te a awm thin a, Mizorama kan hmuh tam zawk hi a sen duk leh a eng te an ni tlangpui.

Thihna hi Lusei hnam tan a pawimawh em em a, hausak leh ropui tehna pakhat a nih mai bakah man leh mual atan te, sal tlan nan te, ngaihdam indil nan te pawh an lo hmang thin baw a ni.

HRIATTIRNA

Pi/Pu S. Rokhuma (L) s/o Lalthawma (L) New Market, Aizawl veng hminga LSC/ House Pass/Shop Pass/Stall Pass/ P. Patta No. 1653 of Durtlang veng ami hi a ti bova rawn in sawiin Re-issue a rawn dil a. A dil anga tihsak a rem lohna tur chhan eng pawh hria chuan chanchinbu a chhuah atanga ni 30 hma ngeiin a hnuaia Address ziaakah hian hriattir tur a ni. Hetiang LSC/House Pass/ Shop Pass/Stall Pass/ P. Patta pekchhuah leh a lo nih chuan LSC/House Pass/Shop Pass/Stall Pass/ P. Patta hmasa chu cancel nghal a ni ang.

Sd/-
Director,
Land Revenue and Settlement
Mizoram: Aizawl

COMPUTER ADMISSION OPEN

Aizawl hmar lam tana pan remchang turin Chanmari, Ramhlun Road-ah M.I.T Computer Centre chuan DCA course zir duh tan admission a hawng leh ta.

Thiamna tak tak i duh chuan kum 10 chuang lo zirtir tawh zirtirna hnuaiah hian rawn zir la i inchhir lo ang.

Zing dar 7 atangin zan dar 8 inkarah i duh timing a thlan theih a, weekdays a hman lo tan saturday-ah class a kal theih baw k e.

M.I.T Computer Centre
Near Account & Treasury Office
(Halco Aluminium Building)
Phone: 9862810863/0389-2300364

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlupaia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia



ZIN & HAW

- Pu H. Lalruatlana, kan President hlui chu a hna thawhna hmun Mumbai lamah a kal leh ta.
- Nl. Lalmuanpuii, BECM, chhiattawh avanga Rulchawm kal chu alo haw leh ta.
- Pi Biakveli w/o Dalkhena (L), C-Sec. chu a fate tlawh turin tun kar khan Mumbai a zin.
- Pu Lalbiaktluanga Khiantge, T-Sec. te nupa(Jharkhand) leh a fapa Pu Zothansanga Khiantge (USA) te nupa chu chawlh hmangin an lo haw.
- Pi B. Thanpuii w/o Rohmingthanga, T-Sec. inentira Kolkata-a kal chu an lo haw leh ta.
- Tv. Lallawmkima Zote s/o LH Thanga, V-Sec. chu thil pawimawh buaipuiin Guwahati-ah a zin.
- Tv. Jacob Lalpeksanga, MARYMA Agent chu thil pawimawh buaipuiin Guwahati-ah a zin.
- Pu Robert Rualthankhuma, C-Sec. chu hna thilah Lucknow-ah a zin.
- Pu Haulianthanga, V-Sec. Mumbai-a chhungkaw pawimawh buaipuia zin chu alo haw leh ta.
- Pi BC . Lalramliani w/o Dr. Lianthangpuia, N-Sec. chu New Delhi-ah inentir turin a kal.
- Pu Laldinthara Ralte, T-Sec. chu sava vehin Thenzawl velah a zin. (Camera ngatin a veh.)



CENTRAL YMA THU

- Central YMA OB ten Chief Minister chu a Pisa-ah an hmu. Hemi zawh hian Central YMA Office-ah Non Govt. Hospital Association, Mizoram hruiute nen Joint meeting an nei leh a, MUHCS chungchang an sawiho leh bawk.
- Central YMA Office-ah Central YMA OB, Chin National Organisation (CNO) leh Hualngoram People's Organisation (HPO) ten joint meeting an nei a, Myanmar ram Chin Hills-a CNO leh HPO inkara buaina leh inkahna hian thleng chungchanga inremna a awm theih dan tur an sawiho.
- Central YMA Hall-ah Central YMA hnuia Ruihlo Do Pawl *Central Anti Drugs Squad* 2nd Batch hruiute leh member turte lak luh leh infuihna hun hman a ni.
- Central YMA OB ten Health Minister chu a Pisa-ah an hmu a, Mizoram Universal Health Care Scheme chungchang an sawipui.

LEI PIAH LAMAH



Lalbiaksanga, K-

41 c/o H.

Vanchhuma (L) V-

Sec. chu ni

6.7.2025 dar 8:30

PM khan a boral a,

a ruang hi Pu R.

Lalrinmawia inah tlaivarpui a nih hnuah a

tuk ni 07.07.2025 chhun dar 12:00 ah

Ramhlun North thlanmual, Zemabawkah vui

a ni.

Lusun khawhar chhungte

thlamuantu Pathianin vengin awmpui mawlh

rawh se.



DAM LO

■ K. Lalruatpuii d/o KT Thangdingliana, N-Sec. Nazareth Hospital-a awm chu a lo chhuak leh ta.

■ Pu Lalmalsawma Sungte, V-Sec. Greenwood Hospital-a awm chu a lo chhuak leh ta.

■ Pu Lalnunpuia, V-Sec. Pu Lallura Zote te Inluah chu Trinity Hospital (ICU)-ah enkawl mek a ni

■ V. Zothanpuia leh V. Lalremruatdika s/o Vanlalfela, C-Sec. te unau khawsik vanga Nazareth Hospital-a awm chu an lo chhuak leh ta.

■ Dr. KVL Rochharzela, V-Sec. chu in lama inenkawl chhunzawm turin Ebenezer Hospital atangin a lo chhuak leh ta.

■ Tv. V. Lalrinzuala s/o Rose Lalbeiseii Hnamte, T-Sec. chu Aizawl Hospital (ICU)-ah enkawl mek a ni.

■ Pu Lalchhuanmawia Hauhnar, C-Sec. Ebenezer Hospital-a awm chu in lama inenkawl chhunzawm turin a lo chhuak.

■ Pu Lalmunsiamia Varte, C-Sec. Aizawl Hospital-a awm chu a lo chhuak leh ta

■ Matthew Lalruatdika s/o Rosangpuii, C-Sec. chu khawswik avangin Nazareth Hospital-ah enkawl mek a ni.

■ Nl. Lalmuanzovi d/o C. Lalmangaiha, C-Sec. chu khawsik vangin in lamah enkawl mek a ni.

■ Pu Francis Vanlalzuala, C-Sec. chu Aizawl Hospital-ah a pile zai a ni.

■ Pu Lalrampana, K-Sec. chu taksa chak lohna hrang hrang avangin in lamah enkawl mek a ni.



KOHHRAN

■ **KTP, Ramhlun North:** Nizan ni 11.07.2025 dar 10:00 hnulam khan Central KTP thu bawhzuiin, Ramhlun North Branch KTP te chuan Edentharr leh Rangvamual inkarah, 'Street Ministry' hun an hmang a, Pathian thu te kawtlaiah sawiin, ei tur te an sem.



LOCAL COUNCIL

1) Vengchhunga hmalakna hrang hrang Traffic te, Ui khuahkhirh kawngah leh Security rawih chungchangah khawtlang mipuite kan inlungrualin kan thawh hona a tha hi, vengchhung mipuite hnenah Local Council chuan thinlung takin lawmthu a sawi a ni.

2) Ui thlalak thehluh hunah chhan hrang hrang avanga thehlut hman lo kan awm niin a hriat a, kan him tlan zawk nan a la thehluh zel theih a, la thehlut lo chuan a rang lama thehluh tur a ni e.

Ui number awrh leh awrh lo man a la ni zeuh zeuh erawh tan la tlang leh zual turin kan inngen a, Number nei lo phei chu fimkhur leh zual turin kan inhriattir a ni.

3) Traffic chungchangah mipui thawh hona a lawmawm kan ti takzet a, khawtlang hmalakna la zawm thei lo pahnih khat kan la awm erawh chu a paw kan ti a, midang man leh man lohva buai lova mitin ten thu neitu sang zawk te man kan pumpelth theih nan kan dan zamte zawm hram hram turin kan inngen a ni.

4) Vengchhung Security rawih ten a theih ang angin vengchhung an tuam chhova, an la indaih tawk lo tih erawh min lo hriatpui tur leh an hlawh tur khawn kal mek a thahnemngai taka lo thawh theuh turin kan inngen nawn leh e.



PAWL DANG

■ **RNFC:** Ramhlun North Football Club te chuan MFA Independence Day Cup 2025 ni 28 July atanga khelth tan turah MPL club te bakah 1st division atangin club 2 thlan chhuah zingah RNFC te an tel ve a. Hemi atan hian Ni 10.7.2025 Ningani atang khan ngawrh takin practice kalpui tan a ni. Tin, Local Council House pawh Player thenkhat te awm theih nan renovation ngai lai te tiin hnatlang neih a ni bawk.

■ **RSC (Basketball):** Aizawl District Basketball Association Season Opening Tournament-ah RSC Basketball Team te chuan Quarter Final-ah Mission Vengthlang Basketball Club lakah 68-73 in an vanduai.

LIBRARY

Library tlawhtu te Library Card keng hram hram thin turin kan inngen e. Phone a ID thlalak pawh kan pawm e.

ADMISSION OPEN

ABACUS ZIRNA HAWN A NI LEH TA

I FATE HMAKHUA I NGAIHTUAH EM ?
An thluak leh rilru ti chaka, an zirlaia hmasawn nan leh mahni inrintawkna an neih theih nan I Fate rawn kal tir ve rawh le...

Class Tan Hun :
9th August 2025

Zir Thei Chin :
Kum 7 - 13

Class Timing :
Inrinni apiang in
12:30 pm - 02:30 pm

Inrinni-ah chauh Class neih tur a ni

CONTACT

ZoCareer Mastermind Abacus
Ph : 7085 787 273/ 8414 913 060

Study Center

- Grace Academy, Kulikawn
- Living Stone School, Dawrpui Vengthar
- St. Lawrence School, Ramthar Veng
- Ar-Elis School, Chaltlang
- Genesis English School, Bethlehem Veng
- Holy Mission School, Bungkawn Veng
- Tiny Tots School, Tuikhuahtlang
- Neuho School, Chanmari
- Willow Mount School, Durtlang Leitan

MARYMA		PHEK 4-NA		RN YMA CHANCHINBU	
📰ARTICLE Eng eng emaw - Jeffrey-a pa, 100720250309 (Ex-Editor, MARYMA) Kan khawii lo kal haw Nu Tluangpuii te kawmthlang kawnga kan kal laiin thil ka hre chhuak thut a, “Mauah hian ka kut ka ti-at a,” ka ti hman chauh tihin ka hmaa kal Jeff-a nu chu rawn hawi letin hlauthawng fahran hian, “Khawilai nge?” a tichul a. Ka kut veilam zungchal ka lo hmuh vat a, “Eng mah pawh ka hmu lo,” a tihlai mekin, “Kan naupanlai 1972 kuma ka tih-ah kha a nia ka sawi,” ka ti a, a lawm vak lovin ka hria. Kan sikul banah Lalthana nen kel lu ro kan chharkhawm a, kan insualtir a, hriat loh hlanin khua a lo tlai duai tawh a. [Tuna DIET Complex ni taah hian 1972 hma lam zawng khan sipai an awm thin a, kel an talhna lu ro hi luikawrah char tur a tam thin]. Ka nuin, “Mama, lo haw rawh, chaw kan ei dawn,” tia min koh hmain ka haw a, naupang tih takah kawng bula mau hnah ka’n zut ngawt pek a, chu chuan min at ta a ni. Ka kutzungchal veilam hi ruh langin a at a, a thi duh em em lehngthal a. Lalthana te inah ka tlan let leh a, Pi Thani’n petrol min lo hnawisak a, pawn themin min tuamsak baw k a. [Ka thianpa Lalthana te in hi tuna RSC Field Pavilion awmna zawn vel tak hi a ni maithei]. Tunlai ni se, khawi damdawi in emaw min panpui ang a, sakawr-ek-hrik danna emawin min chiu bakah an thui ngeiin ka ring. Mahse, vanneithlak takin Pi Thani min tuamsak kha pun lovin a dam ta hlauh a, tun thlengin a la ser ta thung. Pi Tluangpuii te in bawr vel sawi takah chuan tuna Pu Thansanga te awmnaah hian Pa Rokima te an awm thin a, kan veng pumpuia ran talh thin awm chhun kha an ni a, thla khatah vawi khat emaw bawng an talh thin a, an bawng talh apiangin a ke hi min pe thin a, thla tin vawi khat tal bawngsa kan ei ve thin tihna a nih chu! Kan veng pahovin Pu Paukhupa te huan leh Pu Sanghluna huana Sakhi an hual te kha thawnthu mai an chang zo tawh a, Pu R.Thangzuala te inbul luikawra Laipuitlang pa, Pu Hranga’n savawm a kah hlum te kha thil awihawm ni pawhin a lang tawh lo. Pu Rokhama’n Muthi ramah sanghal lian em em mai a kap a, veng chhung in tin kha sa hrang min sem diat diat a. Pu Vanmawia hian a kap thei em em baw k a, lal lallai khan ni se chu khaw khat thlamuanpui tham a ni. Tluangtea (Pu R.Lalthantluanga) hian Thianghlima te kailawnah rul a that a, rulngan a lo ni a. Rulngan thah man awmlai kha a ni a, Bawrhsap pisa atangin sum tam tak kha a dawng a. [Khatihlaia sum tam tak kan tih kha Rs 25/- a ni tain ka hria, a zat chiah hi ka chiang tawh lo, amah zawt mai teh u]. Tluangtea sawi takah chuan Sakhisih tuikhurah hian an zut mam hlimin TTA tih hi lian angreng takin a ker a, siam that a nih hma zawng kha chuan a awm thin tak asin. Mi insaklai tile banga meihawla milem chhe pui pui ziah ran leh mahni hming lamtawi ziah kha kan ching a, tun hnu hian a ngeiawm dawn mang e, ka ti hnuhnawh. Hming ker sawi takah chuan sikul dawhkanah kan hming kan ker nasa thin hle. Krismas leh kum thar kan hmanna dawhkan kan dah tum khan dawhkan pakhtatah hming eng emaw zat inker ka hmu a, “Ka thianpa Lalsawma hming hi a awm ve hrim hrim ang!” tiin uluk deuhin ka zawng a, vanduaithlak takin ka hmu lo.		📠ADVERTISEMENT KC TUI (10-9) Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 SEPTIC TANK Khat & REPAIR Septic tank khat paih leh repair kan ti thei reng a, rate chu inbiakremna a ni ang. Contact: 9612376373 C/o Marina: 9436140350 (5-4) JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate inbiak remna. Registration: MRS 542 Contact: 9862476439 / 9436199884 (10-7) SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-7) L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-6) COMPUTER CLASS FREE ADMISSION CCA/DCA December exam turin Free Admission hawn mek a ni leh ta e... Free Study Materials. Free PC Hardware Maintenance & Windows/Software Installation. Mon - Fri Class kal hman lo tan Saturday-ah Class a kal theih baw k e. Class timing 7:00am - 6:00pm (Mon-Fri) HI-TECH INSTITUTE OF COMPUTER Zarkawt (Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call) E-STAR COMPUTER CENTER (MSCTE Govt’ Approved Institution) FREE ADMISSION!!! 2025 DCA -1&2 Sem July - Dec a zir duh tan Admission a tih leh theih ta e. Contact no- 8731875084/7005421131 PAN CARD ,Aadhaar card download,Employment Registration, Income,Residential leh In hmun hming thlak kan buaipui thei baw k e. ER ZOSANGLIAN BUILDING ZOTE ARCADE 3RD FLOOR NEAR D-3,OPPOSITE NAZARETH HOSPITAL RAMHLUN NORTH ZCD ELECTRICALS Electric bungrua chi hrang hrang GEYZER, ISTIRI, OVEN(OTG), HEATER, LED LIGHT, FAN kan kaw l e. House wiring pawh kan tih sak thei e. Kan hnena bungrua la te discount kan pe zel e. Proff Contract kan ni a . Wholesale leh Retail in kan pe thei e. Add:- RAMHLUN NORTH , LAD OFFICE OPPOSITE SUMO STAND BUL, PH :- 9862344138			
Published & edited by Eddie Lalfakzuala for and on behalf of Ramhlun North Branch YMA. Copies- 1,270					